



kat.komp.

17138

I

Med. St. Dr.

P


Specimen medicum: Debitum pietatis
Adm. Rev. D. D. Jacobo Vebellio —

PANING & VITAE

Polon. 4^{to}

AE 1063,

Biblioteka Jagiellońska



stdr0002041

DEBITVM PIETATIS.

Admodum Reuerendo & Excellentissimo D.
IACOBO VITELLIO,
S. Theol: Doctori, S. ANNÆ Canonico, Col-
legæ Maiori, Regio Professori, Præceptor
fauentissimo; in reditu ex Italia
auspiciatissimo.




A

M. JOACHIMO SPERONOWIC,
*Collegæ Minore discipulo acceptorum non ingrato
beneficiorum, demisse ac libenter oblatum.*

Anno D. M. DCXXXVIII. 12 Nouemb.

CRACOVIAE,

In Officina STANISLAI Bertutowic.



Xenophon de præfectis qui apud Persas viris
quoq; & senioribus dabantur.

SI quem intellexerint gratiam non referentem
cum possit, in eum etiam seuerè animaduer-
tunt. Nam ingratos homines, in primis erga De-
os, parentes, patriam, amicos, esse negligentes
arbitrantur. Quin & impudentia, potissimum
ingratitude comitari videtur, quippè quod
hæc vna omnium maxima dux ad turpissima quæq;
cenferi debeat. Lib: 1. de institu: Cyri
Persarum Regis.



DEBI

D E B I T V M P I E T A T I S.

QUOD saluus ac integer, amæno ab Hespero,
Quodd glorioso augustior sacri gradu
Honoris adsis ; quod valens, gratus pijs
Patribus, & almæ matris omnibus simul
Conciuiibus, tum fratribus vultum bonis
Referas serenum, Phæbus vt refert facem
Mundo coruscant, dona tot simul ferens,
Præceptor : (hoc enim magis nomen mihi
Pium videtur, esto Doctorem sacræ
Veneror scientiæ, simulq; gratulor ;
Quod vota summus gratiâ suâ Deus
Nostra, tuaq; pariter, ac bonorum ciuium,
Firmârit ad laudem suam, & matris decus.)
Pleno facis iam plurimum nos pectore
Haurire lætitiæ, boniq; spiritus.
Lætamur inquam, maximisq; gaudijs
Recreamur, omnes qui tibi affectu bono
Nos debitos agnoscimus. Quid ni hoc precor
Faciamus, haud simulanter, imò candide ?
Lætissimam cum cernimus promptissimè,

Soluere parentem vota summo Principi,
Veneratione supplici, Deo Optimo:
Quod intuetur, auspicatò sospitem
Rediisse prolem Te optimam, gratum decus.
Ac mille doctis vocibus profert palàm,
Numine benigno redditum natum sibi,
Saluum, vigentem, gratiosum, floridum;
Pietate moribus sacris, æqui & boni
Tenore clarum, fortium exemplar quoq;
Præstans virorum, qui nec aduersis cadunt
Nec prosperis nimium efferuntur mobiles
Magna virum probitate, candore, & fide;
Magnosq; consilio, necessitatibus
Vrgentibus quibuslibet; præstantiâ
Scientiarum, non leui tot temporum
Labore quæsitæ, & actis, arduum.
Virtutis almæ, vindicem clarissimum.
Riis tandem, vt mæstiores hactenus
Post orbitatem, quando cernimus Lares,
Quid ni libenter hanc eis lætam diem
Congratulemur, maximè cum possumus,
Imò tenemur. Ego quidem tenuis licet,
Iam iam, superno Numini grates ago,
Venisse cum video superstitem Patrem,

Quem

Quem plurimorum vota poscebant diu,
Sine quo (licet tanta sit maiestas loci
Et lux Lycæi,) inter tot & tantos viros
Nescio quid ampliùs, tamen visum mihi
Persæpè non adesse: nisi sensus meus
Decipitur, & amor, quem gero semper pium,
Geramq; dum viuam, optimè ò dux & parens.
Ætatis eius, quã bonus cultu graui
Exercuisti, moribus, studijs bonis.
Aguntq; mecum, turba alumnorum grauis,
Vitæ, ac honoris percupidorum Tui.
Te plurimi suspirijs & vocibus,
Animisq; sæpiùs requirebant suis.
Heu quando sanctis sospitem Penatibus,
Augusta reddes Roma, Patronum, Patrem,
Decusq; nostrum: pauperum solatium
Satis efficax, in diuitis Gazæ minùs
Opibus. Parentem ò Roma patriæ dato
Voces pupillorum rogant, querulæ fatis.
O mihi quot auditæ pio plenæ sono:
Citonè? citius aduolet, amans nostri pater.
Præceptor adsis sospes, & remees Tuis
Felix alumni; gratus omnibus veni.
Ægyptio plusquàm calemus gratiùs.

Feruore mentis; gratitudinis piæ
Cuncti æstuamus ignibus; iam pauperum
Votis petitus adueni tandem libens.
Sic te Patronum sæpè poscebant Tui
Veri clientes, optime ac doctissime
Præceptor: hæ voces eorum erant graues.
Sed iam faceessant, iam querelæ desinant,
Adest petitus omnibus votis pius
Patronus & præceptor, en felix adest,
Iam tædia, ac suspiria, inter plurimos
Audita cessent pauperes, venit Pater.
Præstans Lycæi lumen, & sydus bonum.
Lætissimus cunctis hic illuxit dies
Suis alumni, qui nouas laudes canunt
Summo Tonanti, quod vident iam sospitem.
Quid Sarmates quàm nobilis latè patet,
Ac vrbium præstantiores rot viri,
Regni Poloni, qui Tui sat cognita
Documenta sumpserunt laboris, cum suos
Natos, alumnos ac Tuos, tum moribus,
Tum literis persentiunt rectè excoli
Cunctinè quamprimùm sibi vultus Tuos
Feruore magno optare visi: quo bonum
Commune, natis promouendum patriæ,
Quondam

Quondam benignæ gratias matri queat
Habere, fas vt mandat & pietas sacra,
Qui cum redisse Te valentem iam audiunt,
Lætantur omnes, filiorum gratiâ.
Publica sonoris peruolat vox compitis,
Redijt nè tandem ab vrbe mundi Principe:
Conspicua virtus, gratiæ, modestiæ,
Benignitatis candidæ, prudentiæ,
Integritatis, quæ sacrum decet virum.
Scientiarum plurimarum continens
Plenissimum pectus, redit iam Craciæ
Veteri & scholæ regni IAGELLO REX Tui.
Cumulata lætatur pio affectu domus.
Cunctis restitutus dies festus nitet.
Gratissimis plena omnia adsunt nuntijs,
Qua dignitate, in publico mundi loco
Qua celebritate tot virorum, quos sacra
Vrbs habet, in omni genere versatissimos
Virtutis, & scientiæ: quoue omine,
Sacros honores sumpseris, quos laudibus
Cœli Monarchæ, mox libens impenderes,
Labore sancto maximo patriæ bono.
Commota Roma fluxit actutum, suo
Nouos honores gratulatura & libens

Congra-

Congratulata est hospiti suauissimo.
Tenax amoris vinculum, per tempora
Diuturna seruatura, amici candidi.
At causa quæso quæ fuit tantæ viæ ?
Debuit enim grauissimo niti probum
Factum Tuo examine ; sed isthæc iam patet ;
Momenta rerum plurima in se continens.
Pietas bonum primarium mentis, fuit
Vel maximè in causa reor, quæ suaserat
Viam probandam, vsu Patrum tritam fatis.
Patris & Beati C A N T I I exemplo pio,
Qui sæpè voluit visere augustum decus
Vrbis sacratæ, incommoda ac tot perpeti.
Pietatis ergô : filius tanti Patris,
Ingressus iter ausu es pio & bono potens.
Ithacus Vlysses iudicatus clarior,
Cum multa obiuit gentium sæcli sui
Præclara regna, Principes & maximos.
Prudentiam nam colligunt magni viri,
Populos remotos spontè visendo, graues.
Quorum instituta, iura, moresq; adnotant.
Nec litterarum gratiâ susceptum iter,
Sat namq; cultus gloriæ es tot artium,
Lingux disertæ nec minùs facundiâ

Præstas;

Præstas, tot auctus diuitis venæ bonis.
Maiora prudens mente voluisti Tua,
Et sanctiora, quo Patris nostri libens
Rebus dares Te CANT II, & patriæ simul
Quacunq; posses, cum modus, tempus, locus,
Et res vocarent, his potissimum Tuam
Industriam tum deditam, fas noscere.
Quid mole curarum fatigatam graui,
Recreare mentem, si liberet non nihil
Conspectu amæno ciuitatum & vrbium,
Quibus Italia Germania & clarè nitent.
Quis hoc negaret optimus, quin veriùs
Quis non rogaret, spontè parceres Tuis
Viribus, amænas visitans vrbes, domos,
Commotus affectu pio & laudabili.
Vidisse Romam gentium spectaculum,
Summam vetusti sæculi, summam noui,
Sacri Senatus verticem, mundi caput,
Ecclesiæ Patrem, Patrum summum, optimum,
Quem mundus exporrectus hîc solum vocat,
Vidisse paruum est? Principes, Paulum, Petrum,
Socios beatos Pontifex CHRISTE ô Tuos
Animo salutasse anxio non hoc sacrum est?
Terram rubentem Martyrum tot sanguine,
as; B Tetigisse

Tetigisse, lustrauisse, non res inclyta est :
Fidei ac honoris vindicem semper locum;
Cultusq; veri, sponsa quem CHRISTI fouet:
Quo vno, Monarcha maximus noster DEVS,
Colitur potens, per sæculorum sæcula.
Vnicus in æterna manens substantia
Trinusq; ; Natus, cum Patre, ipse spiritus
Diuinus, à quo cuncta procedunt Deus,
Spectasse Romanam tot arcem Principum,
Vidisse Reginam inquit tot gentium,
Si quis minori dignitate quàm potest
Permetiatur, fallitur plùs arbitror
Nimiò; vetus Sanctissimi arx est Numinis;
Quam fouet amatq; maximè Trinus Deus
Et vnus: ad laudem propagandam suam.
In hac refulgent dona tot sanctissima,
Florentq; , cultus, & sacræ fidei in Deum,
Mysteria augustissima, hîc regnum tenent.
Cum robur asseruant vetus, clarum, pium.
Quo-fit, Tiaræ vt triplici pronus cadat,
Oriens & occidens simul, quamuis ferox
Prædator ille gentium, ausus est iugo
Graui, nefandi regna tot seruitu,
Premere, dolendū quod magis, prædo impius

Pietate

Pietate vera neminem imbui finit.
Ast aderit en iussu Tonantis maximi,
Tempus beatum, quando ouile vnum, sacro
Pastore quoq; gaudebit vno, Maximo
Pontifice Romano. ô beatum sæculum
Cum mundus & iam supplices tot Principes,
Ibunt Monarchæ mox daturi gloriam
Summo, quem adorari vnicum in regnis suis
Sanctè docebunt: iam Magistri & Præsules
Facti Dynastæ gentium: vnum Principem,
Regemq; regum conditorem limpidi
Cœli, soliq; & solis, & vasti maris,
Consentientes laudibus summum Deum
Trinumq; iustis inuocabunt vocibus.
O sæculum quis te videbit floridum!
Sic sic nitebis clariùs sydus pium,
Beata Princepsq; vrbium Roma, ô potens
Arx, ô per omnes angulos clarissima,
Atq; orbis oras, inclyta ô Diuum Domus.
Lætatur igitur nos quoq; ac iustè arbitror,
Fæliciter quòd Principem vrbem adieris, &
Fæliciùs redieris isthinc, quòd iuuat
Audire, diuino fauore & gratiâ,
Fluxisse quicquid promis ex votis Tibi.

Lætatur, & congratulamur patriæ,
Ciues quod vrbi sistat augustæ, viros
Virtute, factis nobiles, prudentibus.
Hæc laus Parentis nostræ habetur maxima.
Amplissimè lætatur hinc cunctitamen,
Quod sospes adsis. vixeris fælix diu,
Præceptor optime, valeas rectè diu,
Viuidus, ad æternam Tonantis gloriam.

